

INUIT ATAQTIGIIT

Inatsisartuni



Nuuk, 15.08.2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. EU-mut nunanullu atlantikup avannarlerniittuni NEAFC-mi imartaqatigiit akornanni nunatta aalisagartassanik isumaqatigiissutigisaani immikkut imartatsinni saarullittassanut tunngatillugu Kalaallit Nunaata kikkut isumaqatigiissuteqarfigivai?**
 - a. Nunatta imartaata sineriaani saarullinnut pisassiissutigineqartuni Kalaallit Nunaata erfalasua atorlugu pisassiissutigineqarsimasut qanoq annertutigaat?**
 - b. Nunatta imartaani avataasiorluni saarullinnut pisassiissutigineqartuni Kalaallit Nunaata erfalasua atorlugu aalisarneqarsinnaasut qanoq annertutigaat?**
 - c. Nunatta imartaata sineriaani saarullinnut pisassiissutigineqartuni nunat allat erfalasui atorlugit aalisarneqarsinnaasut qanoq annertutigaat?**
 - d. Nunatta imartaani avataasiorluni saarullinnut pisassiissutigineqartuni nunat allat erfalasui atorlugit aalisarneqarsinnaasut qanoq annertutigaat?**

(Inatsisartuni ilaasortaq Aqqaluaq B. Egede, Inuit Ataqatigiit)

Tunngavilersut:

Nunatsinni saarullit takkusimaarneranni nunatsinni aalisartunut iluaqutaanerusinnaanissaat politikikkut soqutigisaraarput. Kisiannili aamma isumaqatigiissutinut qanoq qilersorsimatigineq nalilersortuartariaqarmat saarullinnut tunngatillugu isumaqatigiissutit annertussusaat paasiniarlugu apeqquqteqaateqarpunga.

Kissaatigaara apeqquqtit ullut suliffiusut qulit qaangiutsinnagit akineqarnissaat.